

DELINEATIO

Et vera

RELATIO,

Invasionis & Oppugnationis Castrorum
Turcicorum

POLONO & LITHVANICO Exercitu

ad

CHOCIMUM,

Ipso Festo Martini, Anno 1673.

facta.

Dextera Domini fecit Virtutem, potentior enim hostis fuit utpote intra fossas & Vallum ingens, loco inaccessio ad fluvium Tyram & Arcem Chocimensem, triginta millibus Turcarum fortiter armatus, intra duas horas Turcarum Robur periiit. Res ex Particularibus constabit.

Die 9. Novemb. Exercitus Regni & Magni Ducat. Lithv. ante Vallum Hussaim Bassæ, sub Chocimo ad binos Sagittarum ictus stetit, velitationibus ea dies transacta, cum Cæde tamen Turcarum, Nox aciem Polonam & Lithvanam, ad Castra quarta parte milliaris fixa, revocavit. Excubiis campestribus in loco Aciei relictis.

Die 10. Novemb restituta in hesternum locum Acies, nullo è vallo Turcamelicere poterat. Hora Decima tota Acies cum Tormentis vallo propior, datis è tormentis ignibus, Mol-
davo-

davorum sex millia, cum Duce Moldaviæ, per ultroneam De-
ditionem accepit, eorum vallum ex nunc Peditatu & tormentis
firmatum, ex eoq; Globi Tormentorum in proximum Turca-
rum vallum conversi, intra eandem Horam Tormentis Polo-
nicis & Lithvanicis cinctum Turcarum vallum & impetiturum &
ex vallo Moldavico insultus facti in vallum Turcicum. Nox
detinuit explicatas Acies ad crastinum, sed & Pluvia quatuor
dies & noctes Equis molestior fuit Pabulo destitutis.

Die 11. Novemb. Hora octava Plebs quæ castra sequitur si-
mul cum peditatu, quos pone secuti Equites, assultum in castra
Turcarum fecere, primi vallum aggressi. E dextro Cornu Ca-
taphracti vexilli Illustris Palatini Podlachia, iidemq; Turcas de
vallo moliebantur. E sinistro cornu vexillum Cataphractorum
Chodhievviez supremi Præfecti stabuli M. D. Lithvania, cum
& illustris Palatini Polocensis vallum subintrarunt, aliunde è
Sylvâ Illustrissimus Dux M. D. Lithvania Portam valli expu-
gnavit, quæ & vexilla Militum Regni confluxere. Fit Cædes ab
utrinq; fugiunt Equites Turcarum ad Pontem Fluvii Tyræ,
mox ab Illustris Campi Duce M. D. Lithvania intercipiuntur,
quibus instat à tergo Polonus, frameis res geritur, fit laniena
super Pontem, alii Turcarum per medias Polonorum Acies ar-
mis viam frustra ad Templum Rutenicum quærebant, alii
quorum duo erant millia, fluvium ingresşi, à Lithvanicis copiis
oppressi cecidere. Post Equitum Stragem ad Janzaros ven-
tum, octo eorum millia erant, quinq; millia ponte superato
Camenecium fugiebant, sed & hos insecutus miles Polonus æq;
ac Valachus, in eum finem ab illa parte ordinatus, cadaveribus
roto Camenecensi itinere stravit, salvarunt se per pauci in Arce
Chocimensi, quorum tamen expugnatio in crastinum dilata.
Accepta itaq; Castra Turcarum, Auro, Argento, Tabernacu-
lis, variisq; splendoribus, Equis ac Camelis plena, Peditatus
post fortia gesta famemque acerbam in Castris Turcarum pa-
rato

rato commeatu reficitur. Aliquot supra viginti Tormenta nostris cessere, Bassæ tres inter cæsos & ipsi cæsi inventi. Hussæim Bassæ insignia intercepta. Primi quique Turcarum perierunt: Omnino Deus mirabilia fecit, in eo loco ubi ante 50 annos, Exercitus Polonus obsidione Turcarum premebatur. Cæterum & ex Polonis ac Lithvanis fortissimi quique cecidere, hastarum dimidia ferè pars in Hoste relicta, bisque Fortuna Polonorum intravallum periclitabatur, nisi Deus & virtus ingens militum accessisset. Valachiz, Moldaviz & Transylvaniz Duces cum suis Genibus in nostras transierunt Partes, ingenueque fatentur, fortissimum hisce in Castris Exercitum Turcarum periisse à seculo vix habitum, quorum Potentiam consulto ante Victoriâ diminuebant, ne Polonorum animos frangerent.

Reliqua videre licet hac in delineatione:

- A. Camenecium.
- B. Arx & oppidum Svaniec.
- C. Pons super fluvium Tyram.
- D. Arx Chocim.
- E. Cerkiovv, templum Rutenicum.
- F. Castra Turcica.
- G. Hussæim Bassæ Tentorium & Vexillum primum.
- H. Locus cædis Capitanei Brombergensis.
- I. Castra Moldavorum & Valachorum.
- K. Ordo Polonici &
- L. Lithvanici Exercitus.
- M. Tormenta bellica Polon. & Lithvan.
- N. Peditatus Polon. invadit & oppugnat castra Turcica.
- O. Invasio Lithvanorum Portam Turcicorum castrorum oppugnantium.

- P. Cataphractorum Lithvan. invasio.
 Q. Turcarum ordo & defensio in castris.
 R. Equites Turcici quærunť fugam.
 S. Turcæ à Militibus Lithvanicis in castra & fluvium
 pelluntur.
 T. Turcarum omni ex parte cinctorum confusio.
 V. Turcæ aufugiunt pars versus Camenecium Chocim-
 mum, Cetzora, pars se in fluvium præcipitat.
 W. Tormenta Polonica è castris Moldav. ad castra
 Turcica.
 X. Tormenta Polonica Chocimum oppugnantia.
 Z. Sylva è quâ Exercitus Polonico-Lithvanicus ad ca-
 stra pergit Turcica.

Insignis hujus de Turcis Victoriæ præfagium reperire licet in
 sequenti Anagrammate sub felicit Coronationis, Sac: Reg: Mais, gloriosis-
 simæ nunc memoriæ, auspiciũ scripto.

MICHAEL THOMAS CORIBUT, PRINCEPS
 VISNIOWECIVS, DUX IN WISNIOWEC ET LVINIE, DIVI-
 NA NVMINIS INDVLGENTE GRATIA ELECTVS ET CORO-
 NATVS POLONORVM REX, LITVANIAE RUSSIAE
 MASOVIAE LIVONIAE VOLINIA
 SAMOGITIAE CYHOVIAE PODLACHIAE,
 SMOLENSCIAE, SEVERIAE CSERNICHO-
 VIAEQVE &c. &c.

Per Anagramma purum Metricum

Ad Fortissimam Poloniam.

IN regno cum SOLE NOVO POLONIA LVNAM
 Aspicias: hinc vivum Te vocitabo Polum.

REX TVVS ob radios animi SOL jure meretur

Dicier: illius cætera stemma tenet:

I nunc, duc, jacta, curvatas ASIA Lunas

Ingens! Lux hæc his cedere nescit ovans.

Hic est uniti LUX ipse JEHOVA PIASTI

GENS IN EO, voveo, vive, vigeque, diu!